



**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM**

Bosna i Hercegovina  
**PARLAMENTARNA SKUPŠTINA  
BOSNE I HERCEGOVINE  
SARAJEVO**

Prilijeno: 18.07.2002 g		
Org. jed	Broj	Prilog
01/6	- 011 - 625/02	

**Komisija za promet i komunikacije**

Broj:01/6- 011-625/02  
Sarajevo,18.06.2002.god.

**ZAPISNIK**

sa 6. sjednice Komisije za promet i komunikacije  
Predstavničkog doma održane 11.juna .2002.god.

Sjednica je održana u zgradi institucija Bosne i Hercegovine, Trg BiH br.1. sa početkom u 11,00 sati.

Sjednici su prisustvovali članovi: Ivo Lozančić, Halil Mehić, Dragi Stanimirović, Miloš Jovanović, Damir Mašić, Mustafa Cuplov.

Sjednici nisu bili prisustni članovi: Miro Grabovac, Titan, Željko Mirjanić i Abdurahman Malkić.

Sjednici je u svojstvu predlagača zakona prisustvovao poslanik Muhamed Begović. Na sjednicu su blagovremeno pozvani predstavnici Vijeća ministara BiH i resornog ministarstva u svojstvu predlagača zakona, te predstavnici Predsjedništva BiH ali istoj nisu prisustvovali.

Sjednicom je predsjedavao Ivi Lozančić, predsjedavajući Komisije za promet i komunikacije. Za sjednicu je predložen sljedeći

**DNEVNI RED:**

1. Verifikacija zapisnika sa 5.sjednice Komisije za promet i komunikacije;
2. Razmatranje :
  - Prijedloga zakona o međudržavnim i međuentitetskim komunikacijama,
  - Prijedloga zakona o ugovorima o prevozu u cestovnom transportu,
  - Prijedloga zakona o državnim cestama BiH,
  - Prijedloga zakona o osnovama bezbjednosti saobraćaja na cestama u BiH,
  - Prijedloga zakona o unutrašnjoj i pomorskoj plovidbi
  - Prijedloga zakona o pošti.
3. Razmatranje Prijedloga zakona o izmjenama i dopunama Zakona o vazduhoplovstvu Bosne i Hercegovine ;
4. Razmatranje Sporazuma između Vlade Bosne i Hercegovine i Vlade Savezne Republike Njemačke o međunarodnom cestovnom prevozu putnika i roba.

Članovi Komisije su jednoglasno usvojili predloženi dnevni red.

**Ad.1.**

Obzirom da na dostavljeni zapisnik sa 5. sjednice Komisije nije bilo primjedbi , isti je jednoglasno usvojen.

**Ad.2.**

Predsjedavajući Ivo Lozančić je otvorio raspravu po drugoj tački dnevnog reda i informisao članove da je na prethodnoj sjednici Komisije donesen zaključak o neophodnosti prisustva u raspravi o predloženim zakonima predstavnika Vijeća ministara BiH odn.resornog ministarstva kako bi iznijeli svoje prijedloge i mišljenja vezane za predložene zakone i sa eventualno usaglašenim predlozima zakona išli u dalju parlamentarnu proceduru.

U raspravi su potom učestvovali članovi Miloš Jovanović, Mustafa Cuplov, Dragi Stanimirović te Muhamed Begović u svojstvu predlagača zakona.

Imenovani su se složili sa konstatacijom predsjedavajućeg u potpunosti. Miloš Jovanović je pored toga istakao činjenicu da su termini u predloženim zakonima neujednačeni te bi ih trebalo usaglasiti . Mustafa Cuplov i Muhamed Begović su istakli da su svjesni činjenice da je Ustavno- pravna komisija zaključila da ne postoji ustavno-pravni osnov za donošenje ovih zakona ,ali po njihovom mišljenju ustavno-pravni osnov postoji i predmetna problematika se mora rješavati na nivou države BiH , te je neophodno predložene zakone uputiti u dalju parlamentarnu proceduru sa stavom ove Komisije . Nakon zaključene diskusije jednoglasno je usvojen zaključak kojim se obavezuje predlagač zakona da obavi razgovor sa predstavnicima Vijeća ministara BiH i odgovarajućim resornim ministarstvom do 19.06.2002.god. u vezi sa predloženim zakonima oko eventualnog usaglašavanja istih , nakon čega će informisati članove ove Komisije , da bi ista potom raspravljala o zakonima i eventualno ih prosljedila u dalju parlamentarnu proceduru.

**Ad.3.**

Predsjedavajući je upoznao članove Komisije da je pod tač.3 predviđeno razmatranje Prijedloga zakona o izmjenama i dopunama Zakona o vazduhoplovstvu Bosne i Hercegovine, koji je Komisija trebala razmatrati kao nadležna komisija.

Obzirom da nije bio prisutan predstavnik predlagača koji je uredno pozvan , a što se u posljednje vrijeme stalno ponavlja , Komisija je jednoglasno zaključila da se navedeni prijedlog zakona ne razmatra na ovoj sjednici dok se ne obezbjedi prisustvo predlagača zakona , jer je to njihova obaveza u skladu sa odredbama Poslovnika Predstavničkog doma.

Komisija je takođe zaključila , da će se u buduće pridržavati čl. 85 Poslovnika Predstavničkog doma Parlamentarne skupštine BiH, te će se u slučaju ne prisustva predstavnika predlagača , i pored blagovremeno uručenog poziva, na sljedećoj sjednici Komisije smatrati da je predlagač odustao od prijedloga , o čemu će Komisija potom izvjestiti predsjedavajućeg Predstavničkog doma.

**Ad.4.**

Predsjedavajući je takođe, informisao članove Komisije da je pod ovom tačkom dnevnog reda predviđeno razmatranje Sporazuma između Vlade BiH i Vlade Savezne Republike Njemačke o međunarodnom cestovnom prevozu putnika i roba , ali je razmatranje istog jednoglasno skinuto sa dnevnog reda zbog neprisustva predstavnika predlagača .

Sjednica je završena u 12,00 sati.

SEKRETAR KOMISIJE :

Branka Todorović



PREDSJEDAVAJUĆI :

Ivo Lozančić

